

1. Univerzitet u Sarajevu, Obala Kulina bana 7/II, 71 Sarajevo, koga zastupa rektor, prof.dr.Rifat Škrijelj (u daljnjem tekstu: Ugovorni organ)
ID: 4200494560007 i

2. GOLD MIGNON d.o.o., Olimpijska bb, 71000 Sarajevo koga zastupa Esma Čengić (u daljnjem tekstu: Prodavac).

ID: 4200199130009

Transakcijski račun broj: 1410010009901731 otvoren kod Bosna Bank International dd Sarajevo.

zaključili su:

OKVIRNI SPORAZUM o nabavci robe bezalkoholna pića

Ovaj okvirni sporazum se zaključuje na osnovu Odluke broj: 0101-2104-6/19 od 22.03.2019. godine o izboru najpovoljnijeg ponuđača, koja je donesena nakon provedenog KONKURENTSKOG ZAHTJEVA, za koji je dana 12.03.2019.godine na Portalu javnih nabavki objavljeno Obavještenje o nabavci broj: 999-7-1-14-3-38/19.

I-PREDMET OKVIRNOG SPORAZUMA

Član 1.

Predmet ovog okvirnog sporazuma je isporuka robe BEZALKOHOLNA PIĆA za potrebe i po zahtjevu Ugovornog organa, u skladu sa tenderskom dokumentacijom broj: 0101-2104-3/19 od 12.03.2019.. godine (u daljem tekstu: Tenderska dokumentacija Ugovornog organa) i prihvaćenom ponudom Prodavca broj: 062-03/19 od 20.03.2019. godine. (U daljem tekstu Ponuda)

Prodavac se obavezuje da u skladu sa svojom ponudom i pozitivnim propisima koji uređuju predmetnu oblast, izvrši nabavku predmetne usluge.

Ponuda Prodavca je u prilogu i čini sastavni dio ovog okvirnog sporazuma.

II-CIJENA

Član 2.

Ukupna vrijednost okvirnog sporazuma iznosi: **5.123,20 KM** bez PDV-a) (slovima:pethiljadastotinudvadesetri KM i 20/100),

što sa uključenim PDV-om iznosi: **5.994,14 KM** (slovima:pehiljadadevetstodevedesetčetiri KM i 14/100)

Ugovorni organ će kupovat robu bezalkoholna pića, shodno potrebama.

Član 3.

Na osnovu ovog okvirnog sporazuma Ugovorni organ i Prodavac će zaključivati pojedinačne ugovore i to za svaku pojedinačnu isporuku, a sve u skladu sa zahtjevima iz tenderske dokumentacije. U cijenu su uključeni svi troškovi koje Prodavac može imati prilikom isporuke fco skladište Ugovornog organa.

Potpisivanjem ovog sporazuma, ugovorni organ ne preuzima obavezu niti garantuje izvršenje nabavke predmetne robe u bilo kojem obimu, a naročito ne u iznosu iz člana 2. ovog sporazuma. Količine roba tražene u obrascu za cijenu ponude su okvirne i maksimalne te ugovorni organ u toku trajanja ovog okvirnog sporazuma ne može naručiti količine roba koje premašuju određene okvirne količine.

Član 4.

Vrijednost pojedinačnih ugovora Ugovornog organa podrazumjeva: vrijednost isporuke bezalkoholnih pića po dostavljenim cijenama za Ugovorni organ, a sve prema pismenom zahtjevu Ugovornog organa. Osnov za plaćanje za preuzetu robu je račun Prodavca, potpisana otpremnica i potpisan pojedinačan ugovor o isporuci.

Član 5.

Prodavac se obavezuje:

1. da će u skladu sa odredbama okvirnog sporazuma robu isporučivati sukcesivno i kontinuirano u skladu sa pojedinačnim zahtjevima Ugovornog organa iskazanog u pisanom obliku;
2. Isporuka robe po zahtjevu Ugovornog organa, na adresi Ugovornog organa, bez naknade za isporuku, u okviru radnog vremena Ugovornog organa;
3. na rok za isporuke robe po pisanom zahtjevu Ugovornog organa, najkasnije 24 sata dana od dana zaprimanja narudžbe;
4. da robu fakturiše u ugovorenim rokovima.
5. na nepromjenjivost cijena tokom trajanja Okvirnog sporazuma.
6. Potpiše pojedinačan Ugovor o isporuci robe za svaku posebnu isporuku.

Član 6.

Prodavac se obavezuje na isporuku robe Ugovornom organu na način kako je to utvrđeno, u dogovoreno vrijeme, a sve u skladu sa uslovima iz Tenderske dokumentacije Ugovornog organa i prihvaćene Ponude Prodavca.

Ugovorni organ zadržava pravo da prilikom isporuke robe izvrši kvantitativni i kvalitativni pregled iste na licu mjesta. Sva roba na kojoj se prilikom isporuke ili prilikom raspakivanja originalnih pakovanja ustanove bilo kakvi nedostaci ili odstupanja od zahtjeva tendera, na zahtjev ugovornog organa, biće od strane dobavljača zamijenjena u roku od 2 dana.

Član 7.

Ugovorni organ se obavezuje da će Prodavcu predmetnu robu platiti u roku do 30 (trideset) od dana dostavljanja računa na transakcijski račun Prodavca.

Član 8.

Prodavac se obavezuje da će isporuku robe vršiti u skladu sa zahtjevima Ugovornog organa i da će odmah postupiti po eventualnim primjedbama u pogledu nedostataka u kvalitetu dostavljene robe, rokovima upotrebe otisnutim na ambalaži robe i sl, a Ugovorni organ je dužan da dostavi pisano obavještenje o svakom propustu pružaoca usluge.

Član 9.

Okvirni sporazum se zaključuje na period od 1 (jednu) godinu od dana obostranog potpisivanja.

Član 10.

Ukoliko Prodavac ne bude ispunjavao ili ukoliko ne bude u mogućnosti ispunjavati preuzete obaveze iz ovog okvirnog sporazuma i uslova ponude, Ugovorni organ može jednostrano raskinuti okvirni sporazum sa Prodavcem, uz pisano obavještenje sa otkaznim rokom od 7 dana.

Ukoliko Prodavac nije u mogućnosti isporučiti traženu robu u roku određenom u ovom sporazumu, usljed nastupanja više sile i nepredviđenih okolnosti koje nisu prouzrokovane krivnjom Prodavca, o istom je dužan odmah pismeno obavijestiti ugovorni organ.

Ako dođe do situacije više sile Prodavac odmah u pisanom obliku obavještava ugovorni organ o takvom stanju i njegovom uzroku. Ako ugovorni organ u pisanom obliku ne zatraži drugačije, Prodavac nastavlja ispunjavati svoje sporazumne obveze u mjeri u kojoj je to realno izvodljivo i nastoji naći sve realne načine za izvršavanje obaveza po sporazumu, u vezi sa isporukom predmetne robe koje ne sprečava viša sila.

Član 11.

Odredbe ovog okvirnog sporazuma ne mogu se mijenjati nakon njegovog zaključenja.

Član 12.

U skladu sa članom 72. stav (6) Zakona o javnim nabavkama BiH, Prodavac nema pravo zapošljavati, u svrhu izvršenja ovog Okvirnog sporazuma, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala komisija za nabavke, najmanje 6 (šest) mjeseci po zaključenju ovog Ugovora, odnosno od početka realizacije ovog Ugovora.

Član 13.

Ovaj okvirni sporazum stupa na snagu danom obostranog potpisivanja od strane ovlaštenih lica. Datum kasnijeg potpisivanja ovog Sporazuma, smatra se datumom stupanja na snagu ovog Okvirnog sporazuma.

Član 14.

Na odnose koji eventualno nisu uređeni ovim Okvirnim sporazumom primjenjivati će se odredbe Zakona o obligacionim odnosima.

Član 15

Strane okvirnog sporazuma su saglasne da će eventualne sporove iz ovog okvirnog sporazuma rješavati sporazumno, a u slučaju spora nadležan je stvarno nadležni sud u Sarajevu..

Član 16.

Ovaj okvirni sporazum je sačinjen u 4 (četiri) istovjetna primjeraka od kojih svaka od strana zadržava po 2 (dva) primjerka.

ZA UGOVORNI ORGAN

Rektor


Prof.dr. Rifat Škrijelj

Broj: 0101-2104-7/19

Sarajevo, 08.04.2019.

ZA PRODAVCA

Direktor




Broj: 046-04-19

Sarajevo, 08.04.2019